

慈
幼
新
書

三

中國醫學大成第十集

兒科類甲
兒科叢刊之一

慈
幼
新
書
三

上海大東書局印行

慈幼新書

明

江夏

程雲鵬鳳雛輯

鄞縣

曹赤電炳章校

卷七

麻疹

麻疹發自六腑。亦曰糠瘡。較痘瘡似淺。有形無漿。易出易收。多實熱者。然倏忽變。化。其症急速。自初出一二日。及愈後月餘。皆不可輕玩。經曰。痘前疹後。信哉。初生嬰兒。彌月內未生痘疹之先發此。曰爛衣瘡。百日內外曰瘙瘡。蓋因在腹中。爲陰血之氣熏蒸。生後忽遇陽風一逼。遂發遍身紅點如粟米狀。此疹不治自愈。天行疫癘。大人小兒感之。大便秘結。熱氣流於胃中。忽發紅痧。隱於皮膚之內。有色點而無顆粒。如蚊蚤之跡。錦文之狀。無頭且平。曰發痧。其症狂言妄見。有陽毒陰毒之殊。總由陽明結熱所致。法當清解。白虎見傷寒加大青、元參一服即愈。誤用

發散。熱勢外烈。多致枯焦紫黑而死。

癩疹。多屬脾肺虛火。狀類傷寒。頗多奇癢。或爲不仁。與真麻疹特異。加減通聖散治之。

麻疹之發也。有風熱風痰。顆粒浮於皮膚。隨出隨沒。沒則又出。雖值嚴冬。亦不宜蓋覆過暖。閉塞玄府。恐毒入咽喉。令人聲啞。治宜清肺降痰。發表令透。亦有可下者。然首尾當滋養陰血。不可少動陽氣。昔人以防風通聖散爲消息。參耆朮夏之品。務宜缺之。升麻能令氣上衝。亦不宜多用。蓋麻疹標屬陰。而本屬陽也。

初發熱時。咳嗽嚏噴。耳鼻尖冷。眼胞浮腫。眼角生眵。眼淚汪汪。惡心乾嘔。恆欲飲水。或痰涎吐瀉。不思飲食。大便急而小便澀。其略類傷寒者。憎寒壯熱。頭痛目赤。頰紅。身體疼痛。斯時也。有熱一二日出者。有熱五六日出者。有熱七八日出者。氤氳之際。惟宜宣毒發表湯。蓋覆衣被得汗。自頭至足。漸漸減去。則皮膚通暢。腠理開豁。自無留毒。而疹出易易矣。

麻疹禁忌。較痘瘡更甚。一切酒肉鷄魚之類。犯之早。則發驚搐。變紫黑而死。百日內犯之。猶足生瘡癬。成瀉痢便血。可不慎乎。

發熱時耳後項上腰腿先出。一日三次。兩日六次。見點紅活顯露。形小明淨。頂尖不長。隨出隨沒。三四日收盡。順症也。不治自愈。

發熱時面先青黑。乃毒氣攻心。逆症也。急宜內托散。消毒湯解之。

熱極不出。或出而帶紫色。不明。或與肉平不起。或一二日即沒。喘嗽下利。亦逆症也。急宜麻黃湯見傷寒發之。外用胡荽酒洗。

疹出色白。按之稍紅。血虛也。養榮湯。出時色紅甚。火勝也。化毒清表湯。色紫黑而內外熱熾。逆症也。速用宣毒湯加麻黃。

已出不能沒落。內有虛熱也。四物湯失血加犀角汁。已沒落。餘熱不除。黃連解毒湯。調益元散。甚者熱日夜不退。煩躁譫語而失血。或發驚搐。或重出一番。癩疹。比前略少。此乃心血耗散。餘毒熾盛。犀角地黃湯。見先治其血。徐以四物。五苓。見六等次第調之。

出一日而沒。風寒襲也。宣毒湯消息之。不則毒氣內攻。癢爛而死。大凡癩疹退後。俱不可當風。必令黃瘦病目。生癩瘋瘡。遇此宜連翹飲。見加金銀花消息之。爛處數生肌散。見

熱時汗出不止。乃毒盛致津液妄行。用五倍子三錢爲末。唾津調貼臍上。卽止。
癩疹沒落。七八日聲啞無音。兒茶散服之立效。

發熱時鼻中血出。毒亦從之而解。不宜驟止。如過甚。當歸六黃湯。一服卽瘥。若沒
落後。牙齦腐爛。鼻血橫流。急以木通、犀角之類。引之下行。不可輕視。甚者眼角中
出血。及大便秘血不止。皆逆也。用清熱導滯消息之。可救一二。溺赤如泔濁者。五苓
散。見前加車前、木通可愈。

疹前後恣食甘甜味。生走馬牙疳。穿腮落齒。或面煩浮腫。環口青黑。唇崩鼻壞。昏悶
失音。爲不治逆症。若初時覺口中氣臭。唇口生瘡奇癢。急服清胃散。見前化蟲丸等
藥。外以獨棗丹、雄黃散擦之。或猶及可救。

痘後雲頭疹。三仙散。加防風、黃連。消積食。除風熱。可免瀉痢之患。

孕婦癩疹。以安胎清血爲主。宜四物。加白朮、條芩、艾葉治之。胎氣上衝。苧根、艾葉
煎湯。磨檳榔服之。有熱甚。胎氣不安。服固胎飲。如腹痛腰酸。胎在必墮。卽以產法
論。先用大補。次用他症藥。胎雖動而婦可生。蓋癩宜裏空。熱毒隨胎氣而自下也。
宣毒發表湯 治初熱欲出未出。

升麻

粉葛各八分

防風

桔梗

木通各五分

荆芥

薄荷

甘草各三分

前胡

連翹

枳殼

大力子

淡竹葉各六分

夏加黃芩八分。冬加麻黃八分。

此方疎風開表。透毒清熱寬氣。較升麻葛根湯方大而不猛。用廣而不雜。最為

妙當。

化毒清表湯 治已出而紅腫過甚。

連翹

花粉

黃芩

黃連

梔子

知母

葛根

元參

大力子

地骨皮各八分

桔梗七分

前胡

木通各六分

甘草

薄荷

防風各三分

渴加麥冬八分。煨石膏二錢。

大便瀼。加酒炒大黃一錢。

此方瀉火抑陽養陰。仍兼疎表送毒。誠以勢雖熾甚。必求外出。視用黃連解毒合白虎者。其天機活潑。為不侔矣。

清熱導滯湯 治毒氣流注成痢。亦治疳痢。

黃芩

黃連

白芍

枳殼

山楂

厚朴各一錢

青皮

檳榔各六分

當歸

甘草各八分

連翹

大力子各五分

紅多者。加紅花三分。地榆五分。

秘瀉後重者。加酒大黃一錢二分。

此方調氣行血清熱。不過滯下平劑。一入大力、連翹。而羣藥俱化疹用。遂為清利麻疹餘毒之方。非尋常治痢之比。淵乎妙哉。

防風通聖散

防風

川芎

當歸

白芍

大黃

薄荷

麻黃

連翹

石膏

黃芩

桔梗

滑石

甘草

荆芥

白朮

山梔

加減通聖散

麻黃

滑石

川芎

當歸

桔梗

連翹

黃芩

白朮

石膏

甘草

半夏

貝母

蒼朮

羌活

內托散

治一切惡瘡。與痘家名同實異。

綿黃耆

金銀花

甘草

蟬房火煨

煎七分。入黃酒一鍾。再煎至七分。隨瘡上下。分食前後服。

消毒湯 治一切惡瘡腫毒。膿已成未成等症。

金銀花

地丁

當歸

赤芍

大黃

黃耆各五分

甘草一錢

升麻三分

酒煎溫服。

養榮湯

川芎

當歸

白芍

生地

人參

白朮

黃耆

甘草

四物湯

地黃

當歸

川芎

芍藥

六一散

滑石六兩

甘草

黃連解毒湯

黃連

黃柏

黃芩

梔子

當歸六黃湯

當歸

黃耆

黃芩

黃柏

黃連

生地

熟地

兒茶散 治聲啞無音。

兒茶五錢 硼砂二錢

為末。每服一匙。涼水調下。

獨棗丹 治麻疹後牙齦潰爛肉腐出血。

乾紅棗一枚 雄米大一塊黃末米大一塊煎傷入鹽少許燉口擦之

化蟲丸 能化蟲為水。

硫黃一兩 木香五錢 蜜陀僧三錢 附子一枚

將附子另為末醋熬成膏和三末為丸荆芥湯下每二十九

雄黃散

雄黃一兩 銅綠二錢

為末乾滲。

雲蓋三仙散 治痘後雲頭疹。

山查 神麩 麥芽

每末二錢入白砂糖少許百沸湯調下。

固胎飲 止痛安胎。

生地 川芎各五 桑上羊兒藤七葉圓一錢

當歸 人參 白芍 陳皮各一

白朮炒

黃芩

甘草

黃連

黃柏各二分

糯米

各一分

痛甚加砂仁。虛甚加木香。

丹毒

丹有五色。變易不同。要皆心火內鬱而發。或在手足。或在頭面胸背。令兒躁悶腹脹。其熱如火。痛不可言。自腹達四肢者易治。自四肢入腹者難痊。治宜敗毒散。或加紫草茸。外用碧雪。或神黃散敷之。

赤白遊風。往來不定。無色可觀。由胃中鬱熱所致。治宜清熱涼血。元參湯主之。

生地

丹皮

甘草

元參

牛膝

赤芍

荆芥

花粉

碧雪

芒硝

朴硝

牙硝

青黛

石膏

甘草

寒水石

又方

大黃

皮硝

為末。用鮮柏葉搗汁調敷。

神黃散

大黃二錢

薑黃

黃柏各八

白芨一兩

赤芍

花粉各七

紅花

肉桂各五

程占五曰。此方治一切熱毒紅腫。俱能定痛內消。

風毒

驚風之後。毒氣蓄於皮膚。結為頑核赤色。多在腮頰之間。或耳根骨節之處。宜荆

防敗毒散。見消息治之。兼傳外消散。

小兒跌撲。破損皮膚。風邪乘襲發腫。謂之破血傷風。亦宜敗毒散。加紅花、蘇木、當

歸、生地服之。外以膏貼。

外消散

大黃

牡

蠣各五錢

朴硝

田螺三枚洗淨。用水半盞。浸一宿去螺。將水調塗。

破傷風膏

血竭

藁

本各三錢

茴香六錢

乳香

沒藥各一錢

輕粉二錢

黃丹

黃蠟各一兩

麻油四兩

七藥各另爲末。將油蠟熬化調勻。入麝香、硃砂少許攤貼。

驚丹

小兒生後。百日內外。眼胞紅腫。面青夜啼。或面如胭脂。或散生滿面。如水痘狀。脚微紅而不壯熱。從頭至項。出沒無定。赤如丹砂。急宜施治。若漸至胸膈。卽爲內攻矣。宜服三解散。

三解散 此方兼治口瘡咳嗽。

人參

防風

天麻

茯神

鬱金

大黃

黃芩

赤芍

全蠍

僵蠶

枳殼

甘草

薄荷

白附子

燈心

驚

驚有八候。搐、搦、顛、反、引、竄、視、搐者兩手伸縮。搦者十指開合。掣者勢如相撲。顛者頭偏不正。反者身仰向後。引者臂若開弓。竄者目直似怒。視者睛露不活。

急驚身熱目赤。口鼻氣粗。痰涎潮湧。忽然而發。發過容色如舊。有因驚駭者。亦有不因驚駭者。大都是火燥木急。故身先有熱。未有身涼而發者。症皆屬陽。宜用涼劑。除熱化痰。則驚自息。然昔人謂痰生熱。熱生風。風生驚。其實皆本氣自病。雖平肝必兼扶土。清火散驚湯主之。世不解風自內生。徒執金藥。天麻、膽星、瓜蒌、貝母、僵蠶、全蠍、鈎藤、竹瀝等。雜亂風痰之劑。治之不應。更加廣東蠟丸、牛黃、紫雪治之。及至元氣損傷。虛痰上逼。胸膈膨脹。則謂症變結胸。無可着手。有是理哉。值此速

以大劑六君子湯見五救之。

慢驚成於吐瀉。或久瘧之後。中氣虛衰。寒痰壅遏。而風動筋急。其症屬陰。與急驚相反。發時身冷面白。不甚搐搦。口鼻中氣寒。大小便清利。昏睡露睛。微微上視。筋脈拘攣。古人即以此爲陰癘。俗又呼爲天弔風。危極之候。速用溫中補脾湯。或十二味異攻散。痘庶可挽回。若誤服抱龍、牛黃、蘇合等藥。必死。

汪樹人曰。亦有誤服涼藥。陽氣無所歸。反見身熱面赤。口鼻中氣溫者。仍須溫中異攻治之。

慢脾即係慢驚失治所致。不必另立法門。但視其臟氣未壞者。以溫中異攻二藥進退之。自可霍然而起。

驚未發時。覺身熱面青。心悸不寧。啼叫恍惚。宜定驚丹服之。若已發搐。兼服壓驚湯。如身熱神寧。手足不搐。雖有痰嗽腹痛諸症。應從雜症治之。不必二藥。

慢驚有服藥即吐者。胸膈間寒痰拒逆也。六君子湯加桂附、乾薑、黃耆、白朮、薑棗。濃煎一盞。驟灌之。衝開壅隔自愈。或服烏沉湯亦效。

急驚搐搦大作時。須聽其自然。切不可扶持把捉。使風痰流入經絡。則手足拘攣。

亦不宜艾火攻灸。以希速效。

將出痘疹。身熱驚跳。或時發搐。當表散之。

驚風退後。聲啞不能言。用大南星一枚。泡去皮臍為末。每二三分。或四五分。以獾

猪膽汁調成稀糊。入淡薑湯少許。食前服之。立愈。一切病後不能言。俱效。或

服硃連散亦佳。

清火散驚湯

白芍一錢

白朮

梔子

柴

胡各三分

茯苓二分

陳皮

甘草

半

夏各一分

溫中補脾湯

白朮二錢

半夏七分

人參

黃

耆各八分

茯苓

砂仁

白蔻仁

乾

薑各五分

肉桂

陳皮

白芍

炙

甘草各四分

生薑

大棗

甚者加附子五分。

頻頻服之。必得肢體溫和。風除神爽。方可住服。

壓驚湯

茯神一錢

人參

白朮

神

麩各五分

甘草

半夏

辰

砂各三分

陳

皮一分

砂仁一粒

吐者去甘草。加砂仁。瀉者加車前子。

烏沉湯 驅風助胃。

天麻一錢

人參

生川烏

廣木香

全蠍

沉香

南星各五分

炙甘草二分

生薑一片

參寶定驚丹

人參三兩

白朮二錢

茯苓

白

芍各七錢五分

半夏

麥冬

枳殼

甘

草

山查肉

乾薑

柴胡

神

麩各二分

炒黑荆芥

薄荷葉

石菖蒲

檳榔

麥

芽各一錢三分半

廣木香七分

煉蜜爲丸。

如大元眼核大。每服一丸。白湯下。

有痰薑湯下。重症參湯下。危急

者用二丸三丸。

程潛庵曰。此方治驚疳吐瀉。大是神功。其爲萬世無窮之利。不啻如東垣先生

之補中益氣湯也。

桑蟲丸 治驚時不省人事。

桑

蟲搗一條

麝香

硃砂各五厘

丸如菉豆大。薄荷湯下二三丸。大人中症亦效。

蒿蟲丸

硃砂

輕粉各一錢

爲細末。取青蒿節內蟲同研。丸如麻子大。晒乾磁罐收貯。一歲一丸。人乳汁調

化下。蒿蟲自七月初旬取。遲則生翅飛去。

劉希岸曰。薛氏有飛龍奪命丹。取蒿蟲入砂。麝同丸。不用輕粉。以薑湯服之。

汪有章曰。此方治急驚痰湧者神效。又法。用癩蝦蟆膽一枚揉汁。和薑汁一匙服。危症立甦。

程格思曰。白頸蚯蚓三條。刀切二段。取跳得急者。陰陽瓦焙乾為末。用薄荷三分。同金銀首飾煎湯送下。治急驚。跳得慢者。作三段。亦用前法製服。治慢驚。

硃連散

雄黃

硃砂

黃連

乳香各半

冰片

麝香各一厘

取金眼蝦蟆膽汁調和。塞口內。或痰或糞。略出少許。即甦。

葉錫侯曰。薛氏云。凡虎狼蛇犬所驚。其氣入心絡。皆令人不能言語。以蜜陀僧研細如飛麵。茶清調服即通。驚邪入心。皆入包絡也。世每誤治。

新安金藥

膽星

天麻各一

天竺黃

山梔仁各四

大黃

甘草

硃砂各三

雄黃

天花粉

當歸

麻黃

硼砂

羌活

川芎

防風五錢

龍膽草二兩

麝香二錢

蜜丸。芡實大。金箔爲衣。僵蠶、貝母、鉤藤煎湯下。

此卽時下所常用抱龍丸祕方也。不論內傷外感。一見發熱痰嗽。輒日日服之。以爲驚可預散。不知發熱多端。退熱亦有多法。設非驚症。引賊入門。纏綿不解。變症蜂作。則又以爲藥力尙輕。更服利驚丹、廣東蠟丸、牛黃、紫雪等劑。速其死亡。自有幼科以來。未有斯藥之弊之甚也。尤可駭者。習俗移人。病家無論何症。醫不以此藥與之。卽加嗔怪。竟視爲尋常服餌養生之方矣。悲哉。悲哉。汪表聖次子兩歲。偶感風邪。發熱身顫。角弓反張。日服此藥。及羌防、柴葛、天麻、膽星、瓜蒌、全蠍之品。昏沉欲絕。蓋不知小兒氣血未旺。不耐風寒。纔犯之卽發瘧病。但助其氣血。卽風除神爽。一用此等藥治。則風門大開。榮衛無主。舊病未去。新病益增。安望生理。表聖因諸醫推諉。始來延予。與以五味異攻散。加柴胡二分。桂枝一分。附子一分。連服二劑而瘥。

蔣于宮第五子一歲。傷暑發熱。服此藥十餘日。搐搦幾殆。又進蠟丸、牛黃、紫雪。

死去矣。予察其誤中於藥。以補脾湯加減治之。立愈。

吳振公次女四歲。傷食吐瀉。發熱發顫。予謂此女多食瓜果。致臟氣不行。釀成濕熱。既經吐瀉。濕去熱留。臟腑之中。無陰相養。故變成風象。爲定參朮半夏砂仁。乾薑厚朴當歸茯苓一方。振公忽延某醫參用。某醫謂弱齡女子。豈得服參朮。遂易一切消導之味。并金藥服之。至五日。人事昏沉。頭偏睛露。醫欲更進廣東蠟丸。振公復來相召。以溫中補脾救之。立甦。

葉弘士之子。歲半。慢驚。服金藥及風痰之劑。昏悶七日。指紋直抵三關。醫辭不治。予投以加減補脾湯。立愈。此症予活人多矣。皆不用一味風痰藥。成功。奈何同道諸先生。不深究陰陽臟氣之消長。而徒視人命爲兒戲也。

利驚丹

防風

膽

星各一

天

麻

大

黃各八錢

巴霜三錢

枳殼

礞

石各五錢

甘

草二錢

礞紅爲衣。碎芥子大。量兒大小服之。

此亦時下常用祕方也。不論內傷外感。凡有痰嗽發熱者。服金藥不效。卽以此

利之。實者變虛。虛者致死。皆不察病情之過也。從來秘方。必以一藥統治諸病。殺人幾不可以數計矣。

汪栗亭曰。予見鳳雛治症。有用朱銀丸。見胎。編銀丸。見咳。重劑者矣。有用黃連、犀角、石膏、牛黃、苦寒者矣。獨於此。丁寧告誡者。良以此症自喻嘉言、陳遠公而外。未有發明者耳。世醫守一師說。束書不觀。豈能辨晰毫末。吾恐是書出。不但河漢於其言。且有掩卷而非笑之矣。

程慶其曰。利驚丹自是痰家妙品。但不論內傷外感。一切服之。則不可耳。讀者勿死句下。

癩

癩有陰陽。與急慢驚風相似。古有鷄、猪、羊、牛、馬五癩之名。又有風、食、驚三因之論。錢氏用硃砂、雄黃、水銀、珍珠、黑鉛。爲五色丸統治之。大概以墜痰爲主。然持此以治。頗不驗。何哉。夫心神所舍也。驚恐則神離。痰涎乘之。遂成痼疾。初則火燥木急。驚門諸藥可以治之。久則寒痰迷悶。鬱滯不開。非三生飲豁其痰。地黃丸。見善其

後。未有不為終身之憂者。世以幼而忽之。醫又不聞高論。奈何哉。

三生飲

生南星 一兩

生川烏

生附子 五錢去皮各

廣木香 二錢

雌黃丸 治顛癩搖掣。惡聲嚼舌。

雌黃

黃丹 五錢微服各

麝香 五分

牛乳汁三合。熬膏杵丸。麻子大。每服二三丸。白水下。

蛇黃丸 治震駭恐怖。啼叫恍惚。是名驚癩。

真蛇黃 三枚火煨醋淬

鬱金 七分

麝香 一字

為末。爛飯丸。桐子大。每服二三丸。磨刀水煎。金銀首飾湯化下。

牛黃丸 治汗出解脫。風邪乘之。迷悶涎潮。屈指如計數。是名風癩。

膽星

全蠍

蟬蛻 各二錢五分

防風

天麻 各一錢二分

白附子

白僵蠶 各一錢炒五分

水銀

牛黃 各五分

麝香 半字

棗肉丸。菉豆大。每服一二丸。荆芥薑湯下。

妙聖丹 治驚而停食吐乳大便酸臭是名食痲。

巴霜三錢 代赭石版碎二分 杏仁炒二錢

硃砂 蠍梢各一錢 輕粉

棗肉丸。桐子大。每服一丸。木賊草煎湯下。

虎睛丸 治驚痲邪氣入心。

虎睛一對 遠志薑製 犀角鎊 大黃溼紙煨

石菖蒲 麥冬各二錢 蛻螂三個去翅足炒

米糊丸。桐子大。每服二三丸。竹葉湯或薄荷金銀飾湯下。

斷痲丸 治瘥而復作。症候多端。服此即解。

黃耆蜜炙 鈎藤鈎 細辛 甘草各五錢

蛇蛻酒炙 蟬蛻四個 牛黃一錢

麥棗丸。麻子大。每服一二十丸。人參湯下。

發熱

小兒百病。先從熱起。自變蒸外。有感寒傷風者。則惡風寒。頭痛脈浮。咳嗽嚏噴。有傷食者。則手心熱甚。噯氣吐食。大便酸臭。有癖積者。則頰赤口瘡。便澁腿腫。有痘疹者。則耳鼻尖冷。兩目含淚。耳紋現。中指冷。有驚者。則面青自汗。心悸不寧。啼叫恍惚。有疳者。則形瘦多渴。骨蒸盜汗。泄瀉無常。肚大脚小。種種不同。隨症治之。百無一失。然疑似之間。有古人未傳者。如一兒感冷。惡寒大熱。用發表藥。則汗出熱退。過一日復熱。大便秘。必裏未解也。服四順清涼飲。見藥利一行熱退。隔日又熱。小便赤。服導赤飲。見熱退。過三日又熱。庸劣者。幾無措手矣。診其脈。脈已和。既發汗。又利大小便。其兒已虛。陽氣無所歸。皆見於表。所以熱以六神散和其胃氣。加烏梅一枚。令微有酸味。收其陽氣歸內。自此全愈。又一兒有積熱。表裏俱熱。頰赤口乾。小便赤。大便焦黃。用四順飲。利動臟腑。熱乃去。既去復熱。裏解而表未解也。發散微汗。熱乃去。隔日又熱。此無他。表裏俱虛。氣不歸元。而陽浮於外。所以再熱。實非熱症也。只以六神散入粳米煎。和其胃氣。則陽氣歸內。身體自涼。此等處最易誤人。特揭以補千古之缺。

六神散

人參

白朮

茯苓

甘草炙

山藥

篇豆薑水浸去殼炒

煨生薑

大棗

柴胡飲子

統治肌熱、蒸熱、積熱。或汗後餘熱。

黃芩

白芍各七

當歸一錢

甘草四分

大黃八分

柴胡

人參各五分

生薑煨一

慈幼新書 卷七 發熱

慈幼新書

明

江夏

程雲鵬鳳雛輯

鄞縣

曹赤電炳章校

卷八

傷寒

小兒八歲以前。無傷寒症。非無傷寒也。營血未充。纔傷卽變熱病。熱則生風。發爲驚搐。與傷寒迥異矣。初用寒門方藥消息。次惟參合散驚湯。驚見又有因驚而氣虛。寒邪乘之。名曰夾驚。先辨其初受急慢。急則宜以清涼解散。慢則必以溫中實脾。又有先傷風寒。後復停滯飲食。或先停滯飲食。後復傷於風寒。名曰夾食。其症壯熱頭痛。噉氣腹脹。大便酸臭。留連不解。須大柴胡湯下之。體弱者。惺惺散調之。小兒八歲後。氣血充盈。經脈完固。傷寒傳變次第。與大人同。故自表達裏。先皮毛。次肌肉。又次筋骨腸胃。絲毫不爽。其始也。先從太陽寒水一經。有惡風惡寒。頭痛

脊痛等症。寒鬱皮毛。是爲在表。脈浮緊無汗爲傷寒。以麻黃湯發之。得汗而解。脈浮緩有汗爲傷風。以桂枝湯散之。汗止而解。

呂晚村曰。太陽經在最外一層。故邪入皮毛。卽先傷之。皮毛不能傳變。由太陽之絡傳經。而後內入諸經也。邪客於皮毛。卽玄府閉。人身臟腑之氣。無刻不與外氣通。故和暢。玄府閉。則內氣不能泄而生熱。非風寒能變熱也。此時但發其皮毛。玄府開而邪隨汗散矣。麻黃桂枝汗皮毛之方。非解中之方也。表不解。則熱積而日甚。從本經反而之內。及各經并榮俞原合交會之處。則熱交於他經。而各經病見矣。

太陽旣解。無頭痛惡寒。脈又不浮。爲表症罷而在中。乃陽明少陽之分。脈不沉不浮。在乎肌肉之間。皮毛之下。然有二焉。若微洪而長。陽明脈也。外症鼻乾不眠。用葛根湯解肌。脈弦而數。少陽脈也。外症脇痛耳聾口苦。寒熱往來。以小柴胡湯和之。蓋陽明少陽不從標本。從乎中治也。若有一毫惡寒。邪尙在表。雖入中還當兼散邪。

晚村曰。肌肉不能傳變。肌肉之中。皆經絡也。經絡也謂之中。裏則臟腑。表則皮

毛。臟腑之氣血。惟經絡傳達。外邪之壅熱。亦惟經絡傳變。故陽明少陽。皆從中治。中者經病。非胃與膽病也。經病用和解。和解亦必由汗散。然非開發皮毛之法矣。蓋邪初客表。經中陰津未傷。但啓其竅而汗自通。及熱傳中經。血液燔灼。竅雖啓而汗爲熱隔。不能達外。庸工不知。尙用風熱之藥。以發其表。益助熱而耗陰。汗源乾涸。究竟不得汗而斃者多矣。仲景和解。只清解熱邪。而津液自存。陰汗旣充。湧出肌表。而外邪自然渙散。此養汗以開玄府。與開玄府以出汗之迥乎不同也。

寒在陽明則解肌。寒在少陽則和解。然病猶未退。卽爲傳裏。實熱脈不浮而沉。按之筋骨之間。所謂陽明胃腑病也。與經病不同。若脈沉實有力。外症不惡風寒。而反惡熱。譫語大渴。六七日不大便。皆腸胃燥實致之。輕則大柴胡湯。重則三承氣湯。大便通而熱愈矣。

晚村曰。熱邪入裏。驅出爲難。故就大便通洩。從其近也。得汗而經熱從汗解。非汗爲害而欲驅之也。便矢而腑熱從矢出。非矢爲難而欲攻之也。醫不察此。但知消尅瀉下之法。始終禁絕飲食。惟求一便矢爲能事。殊可笑矣。

寒邪直入三陰之經。名曰直中。乃三陽主氣衰。與熱拒寒也。故初起卽手足厥冷。或戰慄踈臥不渴。或腹痛嘔吐泄瀉。或口出涎沫。面如刀刮。不發熱而脈沉遲無力。此不從陽經傳入熱症。治例更當看外症如何。輕則理中湯。重則薑附湯。四逆湯治之。

傷寒者。由皮毛經絡而後入臟腑。初雖惡寒發熱。而終爲熱症。其人必素有火者。中寒者。直入臟腑。始終惡寒。而并無發熱等症。其人必素無火者。一則發表攻裏。一則溫中散寒。兩途判然明白。

症有反常者。如發熱面赤煩躁。揭去衣被飲冷。脈大。非陽症乎。然投寒藥死者。何也。內有伏陽也。切其脈。不論浮沉大小。必指下無力。按之筋骨之間皆然。甚者服一切茶湯及藥皆吐。此陰盛格陽。乃白通湯加人尿。膽汁對子。仲景將傳經與直中并論。正謂有陰症似陽。陽症似陰耳。如太陽症。頭痛發熱。當脈浮而反沉。又似少陰矣。故用麻黃附子細辛湯。少陰症。脈沉。應無熱而反發熱。又似太陽矣。須用甘草乾薑附子湯。陰症四肢厥逆。而陽症亦有厥逆。此四逆湯與四逆散不同也。陰症下利。而陽症亦有漏底。此理中湯與黃龍湯不同也。

傷寒頭緒雖多。總括不過五法。一曰發表。其症脈浮發熱。身痛惡寒。脊項強。喘咳嗽。頭痛四肢拘急。目舌和。脈不出。口不渴。大小便如常。方主麻黃桂枝青蘆之屬一曰解肌。脈尺寸俱長。目痛鼻乾。嗽水不欲嚥。方主葛根升麻葛根之屬一曰和解。脈不浮不沉。往來寒熱。嘔吐脇痛。胸前脹滿。耳聾頭汗。盜汗舌滑。目眩口苦。方主小柴之屬一曰攻裏。脈沉而有力。潮熱惡熱。腹痛下利。轉失氣。手足心腋下。有汗出。咽乾齒燥。目不明。譫語發狂。小腹滿。下利清黃水。不得眠。小便多。自汗。頭痛發熱俱止。方主承氣之屬一曰救裏。脈沉而無力。下利清穀。小便清長。四肢厥逆。嘔吐清涎沫。背惡寒。踈臥多眠。囊縮脣甲青。吐蚘乾嘔舌捲。手足拘急。身體疼痛如被杖。方主理中四逆通之屬

麻黃湯 治太陽經寒傷營血發熱無汗惡寒。

麻黃甘熱陽中 桂枝一錢 甘草五分 杏仁八枚

桂枝湯 治太陽經風傷衛氣發熱自汗惡風。

桂枝辛熱陽中 芍藥二錢 甘草一錢

加芍藥一倍為桂枝芍藥湯。

加大黃。為桂枝大黃湯。

小青龍湯 治表不解。心下有水氣。乾嘔。或咳。或噎。或嗽。

麻黃

桂枝

芍

藥錢各一

熟半夏二分

甘草

乾薑

細

辛各五分

五味子十二粒

表不解者。頭痛身熱尚在也。渴時飲水過多。故心下有水氣。咳噎喘者。水寒射肺也。有聲無物曰乾嘔。此方麻桂草發表。夏辛薑散水氣。芍藥和陰血。五味收肺氣。所謂青龍者。東方木神。主發育萬物之義。

大青龍湯 治太陽症見風脈。

麻黃去節

石膏各三錢

桂枝一錢

杏仁五枚

甘草四錢

生薑一片

大棗一枚

太陽症而見風脈。是有頭痛身熱。無汗惡寒。但脈不緊而緩。為傷寒兼中風之候。故合麻黃桂枝用之。風寒外盛。則人身之陽鬱為內熱。石膏所以加也。曰大青龍。又言其行雲致雨之速。苟不善用。則亡陽之禍。變為筋惕肉瞤矣。可不慎哉。